



Félags löggiltra endurskoðenda

Alþingi
Erindi nr. P 133/156/
komudagur 12.3.2007

Reykjavík 12. mars 2007
Tilv. FLE 8-2007

Nefndasvið Alþingis
Austurstræti 8-10
108 Reykjavík

b/t Selmu Hafliðadóttur, nefndarritara

Málefni: Umsögn um frumvarp til laga um tekjuskatt og staðgreiðslu skatts á fjármagnstekjur, 591. mál, samsköttun sambúðarfólks, EES-reglur o.fl.


Með bréfi dags. 27. febrúar s.l. óskaði Efnahags- og viðskiptanefnd Alþingis eftir umsögn Félags löggiltra endurskoðenda (FLE) um ofangreint málefni.

Samkvæmt samþykktum félagsins sendi stjórnin ofangreint erindi til álitsnefndar FLE.

Álitsnefndin tók málið síðan til umfjöllunar og taldi hún að ekki væri tilefni til sérstakrar umsagnar um það af hálfu Félags löggiltra endurskoðenda.

Stjórn FLE er fyrir sitt leyti sammála niðurstöðu álitsnefndar.

Virðingarfyllt,
f.h. Félags löggiltra endurskoðenda


Arnbjörg Edda Guðbjörnsdóttir
Framkvæmdastjóri FLE

Alþingi
Erindi nr. P 133/1515
komudagur 7.3.2007

Skattlagning arðs.

Gildandi reglur

Meginreglan er sú að arðsgreiðslur eru skattskyldar hjá einstaklingum með fulla og ótakmarkaða skattskyldu og greiða þeir 10% fjármagnstekjuskatt.

Lögaðilum sem bera hér ótakmarkaða skattskyldu er veittur fullur frádráttur á móti arðstekjum af innlendum hlutabréfum. Arður sem þessi félög fá frá hlutafélögum sem skráð eru erlendis er einnig frádráttarbær ef sýnt er fram á að hagnaður hins erlenda félags hafi verið skattlagður með sambærilegum hætti og gert er hér á landi og má skatthlutfallið sem lagt er á hagnað hins erlenda félags ekki vera lægra en almennt skatthlutfall í einhverju EES landi eða OECD ríki.

Almenna reglan er sú að lögaðilar sem bera hér takmarkaða skattskyldu greiða 15% afdráttarskatt af arði. Samkvæmt tvísköttunarsamningum sem Ísland hefur gert við einstök ríki gildir að upprunaland getur skattlagt arðinn og er skattprósentan frá 5 til 15%. Tvísköttunarsamningur Íslands og Hollands er að því leyti frábrugðinn slíkum samningum að enginn afdráttarskattur er lagður á arðgreiðslu milli félaga í löndunum.

Tillögur í lagafrumvarpi

Lögaðilar með takmarkaða skattskyldu á Íslandi og sem eru heimilisföst í öðru aðildarríki á Evrópska efnahagssvæðinu á Íslandi verði heimilað að draga frá skattskyldum tekjum móttekinn arð.

Alþingi
Erindi nr. p 133/1478
komudagur 6.3.2007



Nefndasvið Alþingis
Austurstræti 8-10
150 REYKJAVÍK

Reykjavík, 5.03.2007
Tilvísun 111
ÁSK

Efni: Umsögn um frumvarp til laga um tekjuskatt og staðgreiðslu skatts á fjármagnstekjur, mál 591

Vísað er til bréfs efnahags- og viðskiptanefndar frá 27. febrúar sl. þar sem óskað er umsagnar Kauphallar Íslands um frumvarp til laga um tekjuskatt og staðgreiðslu skatts á fjármagnstekjur, mál 591, samsköttun sambúðarfólks, EES-reglur, o.fl.

Kauphöll Íslands gerir ekki athugasemd við frumvarpið.

Virðingarfyllst,

Árnína S. K.
Árnína Steinunn Kristjánsdóttir,
lögfræðingur.

The Nordic Exchange

KAUPHÖLL ÍSLANDS ICELAND STOCK EXCHANGE, Laugavegur 182, IS- 105 Reykjavík, ICELAND. Sími/Tel. +354 525 2800. Fax +354 525 2888.
Kt./Id.no 681298-2829. www.omxgroup.com

EFFICIENT SECURITIES TRANSACTIONS

Nefndasvið Alþingis,
Austurstræti 8-10,

Dagsetning
5. mars 2007


Tilvísun
A-8
LÖ/bb

150 REYKJAVÍK

Við er til erindis efnahags- og viðskiptanefndar, dags. 27. febrúar sl, þar sem óskað er umsagnar um frumvarp til laga um tekjuskatt og staðgreiðslu skatts á fjármagnstekjur, 591. mál, samsköttun sambúðarfólks, EES-reglur o.fl.

Í ofangreindu frumvarpi er í fyrsta lagi lagt til að starfstengdir eftirlaunasjóðir verði undanþegnir tekjuskatti og fjármagnstekjuskatti líkt og aðrir lífeyrissjóðir. Í öðru lagi er lagt til að lögaðilum með takmarkaða skattskyldu hér á landi og heimilsfastir eru í aðildarríki EES verði heimilt að draga frá tekjuskatti arðgreiðslur með sama hætti og innlendum félögum. Loks er lagt til að skráning óvígðrar sambúðar í þjóðskrá verði ekki skilyrði fyrir samsköttun sambúðarfólks.

Til svars erindinu tekur Ríkisendurskoðun fram að hún hefur ekkert við ofangreint frumvarp að athuga.



Minnispunktur um 591 mál (2006-7)

NB gera tillögu um að fella félög samkvæmt 4. tölul. 1. mgr. 2. gr. út úr 1. maálsl. 9. tölul. 31. gr., þar sem eigendur taka arðinn beint til sín eins og um sameignarfélag væri að ræða.

Samkvæmt 11. gr. laga um tekjuskatt telst mótttekinn arður til skattskyldra tekna.

Samkvæmt 9. tölul. 31. gr. var m.a. innlendum hlutafélögum veitt heimild til frádráttar sem samsvaraði móttteknum arði frá innlendum félögum.

Jafnframt var innlendum hlutafélögum veitt frádráttarheimild vegna mótttekens arðs frá erlendum hlutafélögum að uppfylltum þeim skilyrðum að hið erlenda félag hefði verið skattlagt með sambærilegum hætti og innlend félög og að skatthlutfall væri eigi lægra en almennt skatthlutfall í einhverju aðildarríkja Efnahags- og framfarastofnunarinnar í París (OECD).

Með frumvarpinu er lagt til að hlutafélögum, sem heimilisföst eru í aðildarríkjum innan Evrópska efnahagsbandalagsins verði veitt sambærileg heimild til frádráttar og innlendum félögum er veitt við álagningu vegna arðs, sem skattskyldur er hér á landi skv. 7. tölul. 3. gr.

Innlend félög eru á tekjuári staðgreiðsluskyld af móttteknum arði, þ.e.a.s. arðsgreiðanda ber að halda eftir 10% staðgreiðsluskatti. Við álagningu er mótttekinn arður hjá hlutafélögum aftur á móti heimill til frádráttar og afdreginn staðgreiðsla af arði kemur þá eftir atvikum til frádráttar álögðum gjöldum eða til útborgunar. Með þeirri breytingu, sem lögð er til í frumvarpinu er verið að veita hlutafélögum á Evrópska efnahagssvæðinu sambærilegan, en ekki rýmri rétt en innlendum félögum. Frádráttarheimildir 31. greinarinnar sem og aðrar frádráttarheimildir tekjuskattslaganna verða eðli máls samkvæmt ekki virkar fyrr en við álagningu eftir að gert hefur verið grein fyrir framtalsskyldum tekjum og frádráttarliðum á skattframtali.

Í þessu sambandi er og vert að minna á að Ísland hefur gert tvísköttunarsamninga við lönd utan Evrópska efnahagsbandalagsins og samkvæmt þeim samningum á Ísland skattlagningarrétt á arði, sem greiddur er til aðila í samningslandinu. Þannig er t.d. í a. lið 2. mgr. (tölul. 10 gr. tvísköttunarsamningsins milli Íslands og Kína við samið um að, ef raunverulegur réttihafi ágóðahlutanna sé félag heimilisfast í öðru aðildarríkinu, þá skuli álagður skattur ekki vera hærri en 5 af hundraði, enda eigi móttakandi arðsins beint að minnsta kosti 25 % í félaginu sem ágóðahlutinn greiðir.

Í 4. mgr. 9. gr. staðgreiðslulaga er tekið fram að réttilega ákvörðuð og innborguð staðgreiðsla tekjuskatts og útsvars þeirra aðila, sem um ræðir í 2., 3., og 7. (arður, þ.m.t. söluhagnaður afhlutabréfum) tölul. 3. gr., sbr. 2. tölul. 71. gr. laga um tekjuskatt, sé fullnaðargreiðsla nefndra gjalda þessara aðila hér á landi án þess að fram þurfi að fara frekari ákvörðun eða álagning þeirra hjá þesum aðilum. **Ljóst má því vera með hliðsjón af þeirri meginreglu að um bráðabirgðagreiðslu tekjuskatts og útsvars er að ræða að þeim aðila, sem telur að staðgreiðsla sé ekki réttilega ákvörðuð s.s. að ekki hafi réttilega verið tekið tillit til kaupverðs hlutabréfa við ákvörðun staðgreiðslu af söluhagnaði, er heimilt að leggja fram framtal til álagningar.**

Ljóst má þannig vera að erlent hlutafélag, sem sætt hefur staðgreiðslu svo sem lögboðið er af skattskyldum arði hefur amennt ekki önnur úrræði en þau að telja fram eins og innlend hlutafélög og fá þannig frádráttarheimild sína viðurkennda við álagningu.

Rétt er þó að geta þess að erlent félag á þess kost að hljóta sérstaka undanþágu frá afdrætti staðgreiðslu við útborgun arðs frá íslensku hlutafélagi með því að afla sér vottorðs frá ríkisskattstjóra, að uppfylltum þar að lútandi skilyrðum. (Þetta getur Steinhólmur upplýst betur um)

Vegna tvísköttunarsamninga:

Í stað: enda sé arðurinn ekki undanþeginn skattskyldu samkvæmt tvísköttunar samningi, sbr. 119. gr.

komi: **enda komi hann ekki til frádráttar með öðrum hætti** (höfðum ekki annað í takinu)

Nefndasvið Alþingis
Austurstræti 8-10
Bt Selmu
150 REYKJAVÍK

Alþingi
Erindi nr. P 133/1595
komudagur 14.3.2007

Reykjavík 13.mars 2007

Athugasemd og tillaga að breytingu á frumvarpi til laga um breyting á lögum um tekjuskatt. Þskj. 876 — 591. mál.

Að fram farinni athugun þykir ríkisskattstjóra rétt að gera tillögu um breytingu á texta ofangreinds þingskjals en málið er nú til meðferðar hjá háttvirtri efnahags og viðskiptanefnd.

Breytingin væri þessi:


Ákvæði b-liðar 4. gr. frumvarpsins orðist svo:

Við 2.málsli bætist: ákvæði 1. málsli. skal einnig taka til frádráttar á móti arði frá hlutafélögum sem skráð eru erlendis ef það félag sem arðinn færir til skattskyldra tekna sýnir fram á að hagnaður hins erlenda félags hafi verið skattlagður með sambærilegum hætti og gert er hér á landi.

Hér er um að ræða orðalagsbreytingu þar sem orðalag frumvarpsins: “*enda sé arðurinn ekki undanþeginn skattskyldu samkvæmt tvísköttunarsamningi, sbr. 119. gr*” er ekki heppilegt af skattatæknilegum ástæðum.

Aðrar og almennar athugasemdir við ákvæðið eru óbreyttar enda er hér á ferðinni breyting á orðalagi þannig að ákvæðið verði ekki misskilið.

Virðingarfyllst
f.h ríkisskattstjóra


Steinþór Haraldsson

Efnahags – og viðskiptanefnd Alþingis
Bt. Selmu Hafliðadóttur
nefndarritara
Austurstræti 8 – 10
150 REYKJAVÍK

Reykjavík, 7. mars 2007 02-2007020695

Alþingi
Erindi nr. Þ 177/1505
komudagur 7.3/1707

Efni; Umsögn ríkisskattstjóra um frumvarp til laga. Mál 591 - tekjuskattur og staðgreiðsla skatts á fjármagnstekjur (samsköttun sambúðarfólks, EES-reglur o.fl.)

Ríkisskattstjóra barst þann 28.febrúar sl frá háttvirtri Efnahags- og viðskiptanefnd ofangreint frumvarp til umsagnar.

Frumvarpið varðar breytingar á lögum um tekjuskatt og á lögum um staðgreiðslu skatts á fjármagnstekjur.


Sú fyrsta varðar skattalega stöðu starfstengdra eftirlaunasjóða. Verður hún, ef frumvarpið verður lögfest öldungis sú sama og staða almennra lífeyrissjóða að því er varðar skattfrelsi sjóðanna og tekna þeirra, skattfrádrátt vegna iðgjalda launamanna og mótframlags launagreiðenda og skattskyldu lífeyris úr sjóðunum. Verður ekki séð að framkæmdarefrifðleikar fylgi lögfestingu þessara reglna.

Í annan stað er lagt til að arður greiddur til lögaðila á Evrópska efnahagssvæðinu og bera takmarkaða skattskyldu hér á landi. Er staða þeirra jöfnuð við arðgreiðslur til lögaðila sem bera fulla skattskyldu á Íslandi. Þetta er í samræmi við viðhorf í Evrópurétti.

Loks ber frumvarpið með sér breytingar á skilyrðum fyrir samsköttun sambúðarfólks. Er hér að mati ríkisskattstjóra um nauðsynlega lagabreytingu að ræða með hliðsjón af réttindum þegnanna og ríkjandi skattframkvæmdar. Aðstaðan var sú áður en 11. gr. laga nr. 65/2006 er varðar réttarstöðu samkynhneigðra tók gildi að skráning í Þjóðskrá var ekki skilyrði fyrir samsköttun. Komið er í ljós að breyting í þá átta að krefjast formlegrar skráningar stóð í vegi þess að fjöldi sambúðarfólks, sem er og hefur verið samskattað ætti ekki lengur rétt á því ef það lét ekki skrá sambúð. Er 5. grein frumvarpsins liður í því að færa réttarstöðu þessa fólks til fyrra horfs í skattalegu tilliti.

Embættið gerir ekki að öðru leyti ekki athugasemdir við efni og innihald þessa frumvarps.

Virðingarfyllst
f. h. ríkisskattstjóra



Alþingi
Erindi nr. ~~P~~ 133/1501
komudagur 6.3.2007

SFF
SAMTÖKFJÁRMÁLAFYRIRTÆKJA
Icelandic Financial Services Association

Reykjavík, 6. mars 2007

Nefndasvið Alþingis
bt. efnahags- og viðskiptanefndar
Austurstræti 8 - 10
150 Reykjavík

Efni: Umsögn um frv. til l. um brt. á lögum um tekjuskatt, nr. 90/2003 (591. mál)

Vísað er til umsagnarbeiðni efnahags- og viðskiptanefndar um frumvarp til laga um brt. á lögum um tekjuskatt (591. mál). Frumvarpið er m.a. lagt fram sem fylgifrumvarp við frumvarp til laga um starfstengda eftirlaunasjóði (568. mál). SFF hafa ekki athugasemdir við þau ákvæði frumvarpsins, né það ákvæði sem snýr að samsköttun sambúðarfólks.

SFF gera hins vegar athugasemdir við 4. gr. frumvarpsins sem er ætlað að tryggja að arðgreiðslur til lögaðila á EES-svæði verði skattlagðar með sama hætti og arðgreiðslur milli lögaðila á Íslandi. Núverandi fyrirkomulag felur í sér mismunun sem ekki fær staðist að EES rétti, eins og bent er á í greinargerð (dómur EFTA-dómstóls í Fokus Bank máli).

SFF telja ákvæðið eins og það er orðað í frumvarpinu ekki ná því markmiði sem stefnt var að. Í fyrsta lagi mætti ráða af orðalagi a-liðar 4. gr. frumvarpsins að erlend félög sem fá arð frá Íslandi þurfi að fara að telja fram til skatts á Íslandi. Í dag eru þau ekki framtalsskyld og komi til staðgreiðslu þá er um lokagreiðsla að ræða. Í öðru lagi er erfitt að átta sig á b-lið 4. gr. Hafa ber í huga að tvísköttunarsamningar ákveða ekki skattskyldu (geta ekki verið skattlagningarheimild) heldur gefa þeir eftir skatt sem lagður er á.

SFF telja mikilvægt að a.m.k. verði tekið af skarið um framangreind túlkunaratriði varðandi 4. gr. frumvarpsins í nefndaráli. Meðal annars komi þar fram að ekki fari fram álagning hjá erlendum aðilum, heldur geti félög sótt um endurgreiðslu af afdregnum skatti eins og við getur átt hverju sinni. Þá sé tekinn af vafi að ekki sé verið að breyta framkvæmd, þannig að áður frádráttarbær arður geti orðið skattskyldur, heldu eingöngu verið staðfesta skilning skattyfirvalda á því að arður sem er undanþeginn skattlagningu hér á landi samkvæmt tvísköttunarsamningi veiti ekki jafnframt heimild til frádráttar á móti öðrum tekjum.

Virðingarfyllst,



Guðjón Rúnarsson,
framkvæmdastjóri



Alþingi
Erindi nr. P 133/1458
komudagur 5.3.2007

5. mars 2007

SI-32761

Nefndasvið Alþingis
Austurstræti 8 – 10
150 Reykjavík

Með bréfi dags. 27. febrúar 2007 óskaði efnahags- og viðskiptanefnd Alþingis eftir umsögn Seðlabanka Íslands um frumvarp til laga um tekjuskatt og staðgreiðslu skatts á fjármagnstekjur, 591. mál.

Frumvarpið fjallar um þrjú mál: i) Skattalega meðferð starfstengdra lífeyrissjóða, ii) Skattlagningu arðtekna fyrirtækja með erlenda búsetu og takmarkaða skattskyldu á Íslandi, iii) Skattalega stöðu fólks í óvígðri sambúð.

Fyrsta málið fjallar um skattalega stöðu starfstengdra lífeyrissjóða og lögleiðingu á tilskipun Evrópuþingsins og ráðsins, 2003/41/EB, um slíka sjóði. Í frumvarpi til laga um starfstengda lífeyrissjóði, móðurfrumvarpi þessa máls (mál 568/133 þskj. 844), segir í umsögn fjárlagaskrifstofu fjármálaráðuneytisins: „*Tilskipunin tekur ekki til skyldubundins framlags og aðildar að lífeyrissjóðum sem tíðkast almennt hér á landi. Tilskipunin tekur einungis til eftirlaunasjóða sem eru starfstengdir og valkvæðir og á því ekki heldur við um séreignarsjóði sem myndaðir eru með viðbótarlífeyrissparnaði einstaklinga þar sem þeir eru ekki starfstengdir. Ákvæði frumvarpsins eiga þannig við um eftirlaunasjóði sem komið væri á fót í frjálsum samningum milli starfsmanna og vinnuveitenda þeirra um tiltekin störf.*“

Með tilvísan til þessarar lýsingar og þess að ekki er búist við umtalsverðum áhrifum á ríkisfjármál gerir bankinn ekki athugasemd við málið.

Um annan frumvarpsliðinn, skattlagningu arðtekna, má ætla að íslenska ríkið sé skyldugt samkvæmt EES-samningnum til að jafna skattalega stöðu umræddra fyrirtækja. Fjárlagaskrifstofa telur áhrif á ríkistekjur lítil og vandséð er að breytingin geti haft varhugaverð áhrif á íslenska fjármálakerfið. Seðlabankinn gerir því ekki athugasemdir.

SEÐLABANKI ÍSLANDS

KALKOFNSVEGI 1 · 150 REYKJAVÍK


SÍMI: 569 9600 · NETFANG: sedlabanki@sedlabanki.is · BRÉFASÍMI: 569 9605

Þriðji frumvarpsliðurinn, um skattalega stöðu fólks í óvígðri sambúð, er ekki talinn hafa umtalsverð áhrif á ríkistekjur og snertir að öðru leyti ekki starfssvið Seðlabankans. Bankinn gerir því ekki athugasemdir.

Virðingarfyllst
SEÐLABANKI ÍSLANDS



Eiríkur Guðnason
bankastjóri



Ingimundur Friðriksson
bankastjóri



VIÐSKIPTARÁÐ ÍSLANDS
ICELAND CHAMBER
OF COMMERCE

Alþingi
Erindi nr. Þ 133/1457
komudagur 5. 3. 2007

Alþingi
Efnahags- og viðskiptanefnd
b/t nefndarritara
Austurstræti 8 - 10
150 Reykjavík


Reykjavík, 2. mars 2007

Efni: Frumvarp til laga um breyting á lögum nr. 90/2003 um tekjuskatt og lögum nr. 94/1996 um staðgreiðslu skatts á fjármagnstekjur (591. mál)

Viðskiptaráð þakkar nefndinni fyrir það tækifæri að fá að veita umsögn um ofangreint frumvarp þar sem lagðar eru til þrenns konar breytingar á lagaákvæðum um tekjuskatt og fjármagnstekjuskatt.

Viðskiptaráð gerir ekki athugasemd við frumvarpið.

Virðingarfyllst,


Davíð Þorláksson
ICELAND CHAMBER OF COMMERCE
Lögfræðingur Viðskiptaráðs